



Pou Piblikasyon Imedya: 06/11/2023

GOUVÈNÈ KATHY HOCHUL

GOUVÈNÈ HOCHUL ANONSE 6.76 MILYA DOLA POU PWOJÈ RAY PASAJE NEW YORK LA KI SOTI NAN SIBVANSYON ADMINISTRASYON BIDEN LAN POU ENFRASTRIKTI

Pwojè tinèl Hudson, Aksè nan Metro-North Penn, reyabilitasyon tinèl East River ak konsepsyon ranplasman pon Pelham Bay yo ap avanse

Gouvènè Kathy Hochul te anonse jodi a ke Administrasyon Biden lan te akòde 6.76 milya dola pou pwojè ray pasaje nan rejyon sid eta a ki enpòtan anpil pou asire ke ekonomi rejyon an kontinye pwospere epi devlope. Dapre Lwa sou Enfrastrikti Bipati a (Bipartisan Infrastructure Law), sibvansyon ki anonse jodi a pa Administrasyon Fewovyè Federal la (Federal Railroad Administration), kat pwojè kle New York ki revouvl epi devlope rezo ray rejyon an ap resevwa envestisman Federal sa yo.

- Pwogram Gateway: Sistèm ak amenajman pwojè tinèl Hudson lan (3.80 milya dola)
- Aksè nan estasyon Metro-North Railroad Penn Station avèk kat nouvo estasyon nan Bronx (1.64 milya dola)
- Reyabilitasyon tinèl East River yo nan Penn Station (1.26 milya dola)
- Ranplasman pon Pelham Bay (58 milyon dola)

"Ajennda transpò anbisye Prezidan Biden lan ap peye dividand pou Nouyòkè yo," **Gouvènè Hochul te deklare**. "Eta New York ap envesti plizyè milya dola nan MTA ak nan enfrastrikti nan tout eta a, ki enkli nan pwojè ki benefisyé Amtrak dirèkteman. Dènye finansman sa ap ede nou livre transpò publik modèn, ki sekirize, epi ki fyab pou kominate ki defavorize yo, pandan l ap ranfòse ekonomi rejyonal la. Mwen rekonesan pou patenarya ak Administrasyon Biden lan ak lidèchip Senatè Schumer."

Prezidan ak Direktè Egzekitif Jeneral MTA, Janno Lieber, te deklare, "Nouyòkè yo pa t janm gen yon bon zammi konsa nan Washington pase Administrasyon Biden lan ak ewo lakay nou, Senatè Chuck Schumer. Dènye kout finansman federal sa pou Aksè nan Metro-North Penn ap ede nou tire pi bon pati nan enfrastrikti ki egziste a epi l ap transfòme deplasman pa sèlman pou plizyè milye moun k ap viv nan zòn defavorize nan Lès Bronx yo, men tou pou kliyan Amtrak k ap benefisyé de rekonstriksyon Liy Hell

Gate la. Sou lidèchip Gouvènè Hochul la, New York ap pwofite de yon Laj Dò nan envestisman ak ekspansyon transpò piblik."

Lidè Majorite Sena a, Charles Schumer, te deklare, "Mwen te goumen pou fè avanse pwojè transpò vital, ki pote transfòmasyon, epi ki pote egalite sa yo pou New York, epi kounye a avèk plizyè dizèn milya dola ki livre atravè Lwa sou Enfrastrikti Bipati a, Pasrèl pou tout sistèm soti nan Tinèl East River nan Long Island siklòn Sandy te domaje a k ap repare, moun nan Lès ak Sid Bronx ap genyen yon nouvo liy ray tren, epi rezidan Westchester yo ap genyen trajè ki pi kout. Avèk enfizyon finansman federal an mas la, ki enkli 3.8 milya dola pou Gateway, 1.6 milya dola pou Aksè nan Penn Station, ak 1.2 milya dola pou Tinèl East River yo, New York ap konstui pwochen jenerasyon transpò piblik k ap fè vil nou an kontinye devlope, atire nouvo moun ak biznis, epi bay transpò piblik ki pi aksesib, fyab epi ekitab ke Nouyòkè yo merite a."

Senatè Kirsten Gillibrand te deklare, "Pwojè modènizasyon ki enpòtan anpil sa yo ap amelyore sèvis Amtrak la anpil sou tout Koridò Nòdès la pou anpil pasaje. Mwen te sipòte efò sa yo depi lontan nan New York, epi mwen kontan anpil pou wè pwojè sa yo reyalize, k ap kreye plizyè milya dola aktivite ekonomik pou rejyon an. Prim finansman sa yo ap pèmèt yon seri travay fèt, ki enkli pwojè Tinèl East River a, pwojè Aksè nan Penn Station, pwojè Tinèl Hudson lan, ak pwojè ranplasman Pon Pelham Bay nan. Mwen fyè dèské mwen te ede sekirize prim sa yo, epi m ap kontinye sipòte Amtrak pou modènize Koridò Nòdès la epi asire pi bon sèvis pou pasaje yo."

Reprezantan Jerrold Nadler te deklare, "Gras ak Lwa sou Enfrastrikti Bipati a, kounye a nou genyen yon opòtinite ki rive yon sèl fwa nan yon jenerasyon pou transfòme deplasman nan tout Koridò Nòdès la—epi mwen aplodi Administrasyon Biden lan dèské li bay 6.76 milya dola k ap revouvre epi elaji sèvis transpò piblik nan Penn Station. Mwen fyè de travay mwen ak kòlèg mwen yo nan Delagasyon Eta New York la pou sekirize finansman sa epi mwen pa ka tann pwogrè k ap kontinye nan pwojè ki enpòtan anpil sa yo pou rejyon nou an."

Rezime pwojè ray tren yo se sa yo.

Pwojè Tinèl Hudson

Pwojè Tinèl Hudson lan ap konstui yon nouvo tinèl de pis anba Rivyè Hudson epi reyabilite Tinèl North River ki egziste a, ki te domaje gravman apndan Siklòn Sandy a, pou amelyore fyabilite, rezistans, pou plizyè milye pasaje chak jou ki deplase sou Rivyè Hudson lan, epi pèmèt reparasyon ki tèlman nesesè sou yon pati esansyèl nan Koridò Nòdès la. Gen plis enfòmasyon sou pwojè a ki disponib sou [paj dakèy Pwogram Gateway la.](#)

Aksè nan Metro-North Penn

Otorite Transpò Metropoliten an (Metropolitan Transportation Authority, MTA) ap sipèvize konstriksyon kat nouvo estasyon Metro-North nan Lès Bronx ak pis ak amelyorasyon enfrastrikti k ap pèmèt ekspansyon Liy New Haven Metro-North la rive Penn Station epi mete enfrastrikti Amtrak yo nan yon bon eta. Nouvo wout la ap diminye

tan deplasman anpil pou ale epi retounen soti nan Lès Bronx ki manke sèvis fewovyè aktyèlman. Rezidan yo ap ekonomize jiska 75 minit nan koneksyon metwo ak bis aktyèl yo epi kreye yon wout ray pasaje dirèk ant Bronx ak Westchester ak Connecticut. Sa ap bay Metro-North yon dezyèm tèminal tou nan Manhattan, yon bakòp ki enpòtan anpil, epi se pi gwo ekspansyon Metro-North depi li te fonde 40 ane de sa. Gen plis enfòmasyon ki disponib sou pwojè Aksè nan Penn Station lan nan [paj akèy Aksè nan Estasyon Penn MTA a.](#)

Reyabilitasyon Tinèl East River Amtrak la rive Penn Station

Ekip yo ap reyabilite de tinèl ray Amtrak ant Queens ak Penn Station ki te domaje ak inondasyon dlo sale pandan gwo Siklòn Sandy a. Tout sèvis Amtrak yo itilize tinèl yo pou ale New England ak plizyè santèn tren Long Island Rail Road pa jou ansanm ak Transpò NJ san pasaje ak tren Amtrak k ap vwayaje vè Sunnyside Yard pou estokaj. Tren Metro-North yo ap itilize yo tou lè sèvis Aksè nan Estasyon Penn Station lan kòmanse an 2027. Nouvo tinèl yo ap prezante pis ki fikse dirèkteman nan tinèl la, tout nouvo eleman yo, ak rezistans klimatik ki amelyore.

Pwojè Ranplasman Pon Pelham Bay

Amtrak te pwopoze yon konsepsyon final pou ranplase Pon Pelham Bay de pis ki egziste depi 115 ane a nan Bronx pa yon nouvo estrikti k ap fasilité plis vitès deplasman ak mwens ouvèti pon an.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418